

րերը քաղաքացիներն են, գիւղացիները համարեայ ոչինչ չունին:

Գիւղացու ակնկալութիւնը բոլորովին տարբեր է: Նա սպասում է այն վիճակին, որը երբէք չէ վայելել և ոչ իւր նախնիքը պատմական կեանքումը: Նա սպասում է թշուառութեան արտասուքները սրբելու, կեանքի անդորրութեան, ազատ շունչ քաշել, աներկեան օրեր, ապահովութիւն իւր կեանքին, իւր ստացուածքին և իւր գործին: Նա ցանկանում է թողնել իւրեան միայն, որ նա կարողանայ լծել իւր առատութիւն պարգևող գութանը, մշակել զարերով խոպան մնացած երկիրը և ընտանեկան ցնծութեամբ հնձել աշխատասէր ձեռների պրտուղը: Կարողութիւն ունենալ պատրաստ պահելու իւր հիւրասէր սեղանը բոլոր անցաւորների համար և նոցա հետ զուարթ սրտով բաժանել արդար վաստակի արդիւնքը: Երջանիկ լինել ընտանիքով, երջանիկ լինել զրացիներով և բոլոր գիւղացիներով:

Մի շատ համեստ և աշխարհաշէն ցանկութիւն, որին չեն հասել բռնակալների տիրապետութեան օրերումը, չեն էլ հասնիլ ինքնագոյութեան ժամանակին:

Եթէ այսպիսի տարրեր հակադրական մտքերով և զգացմունքներով կարելի լինի հասնել մի նպատակի, որի համար գերբնական կամ գե-